

Transkription von Stadtbucheintrag KIL 1499f

Ort, Datierung: Kiel, 1499-??-??

Signatur: Stadtarchiv Kiel, Das Erbebuch 1411-1604, S. 140/a

Inhalt: Laurens Werners: Erbenspruch; Hartoch Heyne: Erbenspruch; Hinrik Rasschen:
Erbenspruch; Alberth Jontzern: Erbenspruch; Tidtk Bosteden: Erbenspruch

xcix /

dat Erue bolegen In der bruggestrate dat aldus lange / hefft gehorth Peter van kollen vnnd(e) syne(n)
Eruen / horeth nu qwith vnnd(e) frigh Laurens werners vnnd(e) / syne(n) Eruen myth allem rechte
vnnd(e) tobehoringe / myth aller frigheith Zo dat In synem(e) endeschedinge(n) / bolegen is vnnd(e)
Peter van Collen offte syne Eruen / dat frigest boseten hefft de renthe vynth men In / deme pantboke /
¹

dat Erue bolegen by der Nige(n)muren dat alduslange hefft / tobehorth hinr(ik) dickman vnnd(e)
sinen Eruen horeth nu / qwith vnnd(e) frigh hartoch heyne vnnd(e) synen Eruen / myth aller
tobehoringe szo dat In syne(n) endeschedingen / bolegen is vnnd(e) hinr(ik) Dickman offte sine Eruen
dat frigest / boseten hefft de renthe vynth men In deme pantboke /

dat Erue bolegen In der harte straten dat aldus lange / hefft tobehorth hans Nickels vnnd(e) sinen
Eruen horeth / nu qwith vnnd(e) frigh hinr(ik) rasschen vnnd(e) synen Eruen / myth aller
tobehoringe szo dat in synem(e) endeschedinge(n) / bolegen is vnnd(e) hans Nickels offte sine Eruen
dat / frigest boseten hefft de renthe vynth men In deme pantboke / ¹

dat Erue bolegen tegen den vleschboden dat aldus lange / hefft tobehorth hans roüer vnnd(e) sinen
Eruen horeth / nu qwith alberth Jontzern vnnd(e) sinen Eruen myth aller / tobehoringe szo dat In
synen(n) endeschedingen bolegen is / vnnd(e) hans rouer offte sine Eruen dat frigest boseten / hefft
vnnd(e) alberth Jontzen hefft dyt huessz alse enen / brutschath myth syner frowen entfangen /

de beiden Erue belegen by deme markede negest der bodelige / de wandages hebben tobohoreth Hans
bosteden Rathman(n)e ² / tom(e) kile vnnd(e) sinen Eruen horet nu qwith vnnd(e) frigh / Tidtk
bosteden sinem Sonne vnnd(e) sinen Eruen myth / aller tobehoringe szo de suluen twe Erue in eren
endesche/dingen bolegen syn vnnd(e) hans bostede offte sine Erue(n) / de frigest boseten hebben de
renthe vynthmen In / deme pantboke ¹

¹Text im Original durchgestrichen

²Rathman(n)e im Original gestrichen